

Dum Oratio prima dicitur, inclinent se Fratres profunde; vel etiam se prosternant, si ea die in Choro factæ fuerint prostrationes.

Pro Episcopo vel Sacerdote defuncto.

Oratio.

**D**EUS, qui, inter apostólicos Sacerdotes, famulum tuum Pontificáli (vel Sacerdotáli) fecisti dignitate vigere & præsta, quæsumus, ut eorum quoque perpétuo aggregetur consórtio :

Pro Viro defuncto.

Oratio.

**I**NCLINA Dómine aurem tuam ad preces nostras, quibus misericórdiam tuam súpplices deprecámur : ut ánimam famuli tui, quam de hoc sæculo migrare jussisti, in pacis ac lucis regione constituas & et sanctorum tuorum júbeas esse consórtem :

Pro Femina defuncta.

Oratio.

**Q**UÆSUMUS Dómine, pro tua pietate, miserere animæ famulæ tuæ : et a contágiis mortalitátis exútam & in æternæ salvatiónis partem restitue :

In omni Anniversario.

Oratio.

**D**EUS indulgentiarum Dómine, da animabus famulorum famularumque tuarum, quorum anniversarium deponitiónis diem commemorámus & refrigerii sedem, quietis beatitudinem et lúminis claritatem :

Pro Fratribus, Sororibus, Familiaribus et Benefactoribus defunctis.

Oratio.

**D**EUS, véniæ largitor, et humanæ salutis auctor, quæsumus cleméntiam tuam : ut nostræ congregatiónis fratres, soróres, familiares et benefactóres, qui ex hoc sæ-